

四川通志卷之九

輿地志

八

形勢

大易云王公設險以守其國言地利必資於形勢也蜀國爲天府奧區直坤維而躔井絡帝以會昌神以建福形勢之險甲於寰宇按其地東通荆楚西接吐蕃南界蠻荒北連秦隴其山峯嶺以嵯峨其水洄渌而揚波微道千盤巖關四塞雄藩巨鎮

拱衛

神京杜甫詩所云西蜀地形天下險者信有徵矣我
朝仁育義正函夏謐寧巴剌囊懷岷峨砥屬昔爲險
阨之地今則樂利之區永奠苞桑咸歸帶礪有不
恃形勢以爲固者然按圖而稽瞭如指掌臚陳陬
落控帶要荒是亦籌邊制勝者所宜畱意也志形
勢

統部

大清一統志東據夔門西連番族南阻蠻部北控梁洋
其名山則有岷山峩眉青城巫山其大川則有岷

江雒江涪江嘉陵江巴江瀘水大渡河其重險則
有劔門鹿頭關瞿唐關邛崃關清溪關地大且要
兼六合而交會焉

成都府

成都縣

附郭

華陽縣

附郭

巴蜀沃野地饒庀薑丹砂石銅鐵竹木之器南御

滇僂西近邛笮

史記貨殖傳

井絡儲精神宮定位

揚雄蜀都賦

華陽西極黑水南流

揚雄益州箴

沃野千里天府之土

蜀志諸葛亮傳

廓靈關以爲門包玉壘而爲宇帶二江之雙流抗

峩眉之重阻

左思蜀都賦

天文井絡輝其上地理岷嶓鎮其域五嶽華山表

其陽四瀆汶江出其微

華陽國志

其地四塞山川重阻水陸所輳貨殖所萃

隋書地理志

西控吐番南撫蠻獠

李吉甫元和郡縣志

左阻劒門右負夷番內坦夷數百里環以長江裹

以複岑

宋祁益部方物略記

雙流縣

宜城前繞柳河後環

南岡疊阻西水層環五寨碁布於江津三鎮屏圍

於山嶂

溫江縣

面錦城而負玉壘枕岷江而跨金馬

新繁縣

原野沃衍溪水來流

金堂縣

石城在左白塔居右臺山西峙峽水東流

新都縣

前望龍門後崇石鏡

郫縣

地壤膏腴江流清白

崇寧縣

天山北拱柏水東流

灌縣

重疊險阻外控西夷昔人以爲井陘之地

彭縣

彭門斗城九峰高峙濛水長流

簡州

忠山奇絕絳水迴環南距赤水東通鴈江控扼巴
峽密邇川府山峙而不險水流而且平

崇慶州

幽風亭聳於左讀書臺峙於右崇山重疊江水環
流

新津縣

地聯邛雅山接蔡蒙

漢州

連山環拱東南沱水漩繞西北蜀省之要區通京

之孔道

什邡縣

蓬山高矗剛水清環

重慶府

巴

縣

附郭

巴子國其地東至魚復西至熒道北接漢中南極

黔涪 華陽國志

郡治江州地勢剛險重屋累居承三江之會 同上

江州以東濱江山險墊江以西土地平敞 同上

中巴之地五溪襟帶為一都會 唐權德輿記

巴城在岷江之北漢水之南 太平寰宇記

東至魚復西連熒道南接牂柯北達漢中沿江為

池鑿崖為城天造地設洵三巴之形勝也

按全蜀形勝瞿塘灩澦東捍荆襄石門崆峒西禦蕃猺南通六詔固以瀘水大峩北走秦鳳臺以劍

山川通志 卷之九 輿地 形勢 重慶府一

閣鐵山四塞之險甲於天下渝州雖東川腹壤而
石城削天字水盤郭山則九十九峰飛挂攢鎖於
縉雲佛圖開內水則嘉陵白水會羌涪宕渠來自
秦外水則岷沫衣帶會金沙來自滇赤水來自黔
俱虹盤渝城下遙牽吳楚閩越兩粵之舟昔人以
地屬必爭置重鎮間爲制撫軍駐節良有以也說
者謂東川式廓扼要不僅渝城不知雲安今夔州
巨郡重嶺複岡陸行則細路縹雲水行則急峽轟
霆故往來舟楫莫可停泊臨江今忠州跨山枕水
涪關今涪州左衛西陽石城一帶控楚連黔直蠻
部之襟喉耳惟渝城會三江衝五路鞭長四百三
十餘里俯瞰夔門聲息瞬應而西玉壘北劔閣南
邛崃峽柯左挾右帶控馭便捷故渝州能守可俾
錦官風雨坐安和會矣

江津縣

鼎山聳前凡江繞後華蓋馬驍左右其翼龍門珞

峽開闔其流際水陸之衝紐黔播之會

奇峯秀嶺挺華蓋之山地軸天關鎖錦江之水界
瀘渝之間會水陸之衝全蜀要地也

舊志

長壽縣

前臨岷江後倚菩提龍溪鳳山環帶左右

桃溪在左桂源在右金龍蜿蜒鳳山翔翥南臨龍

寨半壁摩天北擁羅圍孤峯如削縣互百數十里

望之如重城焉

縣志

永川縣

縉雲屹峙湯峽環流四達之衢三巴之勝

永川僻處一隅桂山枕其後涪水繞其前東接壁

山西通大足南俯江津北控銅梁顧盼瀘渝生色

扼吭巖險稱雄撫茲四圍隱然據天險之勢焉

縣志

榮昌縣

羣峯秀拔二水紆迴巴渝上游陸路衝要

綦江縣

依山爲城帶水爲池瀛嶺在前鳳冠居後古劒西

峙龍角東流雲貴通衢巴渝保障

縣志

南川縣

前臨金佛後擁竹箐關名福祿峙於右嶺號桂巖
橫於左羣山環拱帶水紆流黔蜀喉襟巴渝險要
縣志

銅梁縣

秀山重疊巴水環流

計都在南羅喉在北東連巴嶽西繞涪江險阻之

區膏腴之壤

縣志

合州

合州爲蜀口形勝之地

宋史

魏大統中於巴屬要津置合州其山曰龍多銅梁
上接岷峨下繚甌越或斷或續屬海而止所謂南
戒也其水曰涪曰嘉陵曰宕渠合流於城下貫江
沱通漢沔控引衆川皆入於海所謂南紀也

宋晁公武

記

西聯梓潼北通閬果近束三峽

由渝至合亦有三峽

下控夔

渝指渠口以爲雲門負銅梁而帶嘉涪當水陸之

衝居上游之

縣志

涪州

會川蜀之衆水扼瞿唐之上流

按讀史方輿紀要涪州南通武陵西接牂柯地勢險遠跨陵獍蜚華陽國志曰涪陵巴之南鄙也從枳縣入泝涪水秦司馬錯由之取黔中地此涪水蓋指黔江也今自州以南山川迴環幾及千里唐宋時常以控扼形要黔州卽今彭水縣往往置鎮設兵以兼總羈縻州郡唐以黔州爲都督府督思辰施播等州兼領羈縻數十州宋亦置軍鎮領羈縻州至五十有六明洪武間以黔并入於涪州其險要實倍於前代四夷考云武隆一縣爲州之要地牂柯黔楚指臂東西北枕巴江南通貴竹三面皆界於土司所謂酉陽之咽喉石砭之項背而涪陵則尤胸腹之要也南蠻蠢動而全蜀之要害武隆獨據之舊志云武隆要關全蜀險扼諸蠻謂此也觀此則一州之形勢瞭如指掌矣

大足縣

西枕營山北倚長巖青巒圍其四畔赤水繞乎東
南

縣長嶺互巨臂於巴東疊疊懸巖橫曲枕於岳
北山色參差以中秀土膏沃腴而內豐

縣志

壁山縣

重山複嶺溪流迴繞西北險阻東南坦平

壁山形如桺葉環境皆山外高中平兩江夾送周

迴灣曲六百里

古志